



Concello de Vigo

D^a. YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 28 de xullo de 2022** adoptou o seguinte acordo:

3.- EXPEDIENTE DE CONTRATACIÓN DO SUBMINISTRO DE DÚAS CASETAS EN RÉXIME DE ALUGUER PARA A SÚA COLOCACIÓN NAS INSTALACIÓNS DEPORTIVAS DO CAMPO DE FÚTBOL DO CARBALLAL E DAS PISTAS DE ATLETISMO EN BALAIÓDOS. EXPTE. 21243/333.

Visto o informe xurídico do 19/07/2022 e o informe de fiscalización do 20/07/2022, dáse conta do informe-proposta de data 05/07/2022, asinado polo xefe do Servizo de Deportes director deportivo, polo concelleiro-delegado de Deportes e polo concelleiro-delegado de Orzamentos e Facenda, que di o seguinte:

NORMATIVA DE APLICACIÓN

- Lei 9/2017, de 8 de novembro, de Contratos do Sector Público (LCSP).
- Real Decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de Contratos do Sector Público, no que non se opoña á Lei 9/2017.
- Real Decreto 1098/2001, de 12 de outubro, polo que se aproba o Regulamento xeneral da Lei de contratos das administracións públicas (RLCAP) no que no se opoña á Lei 9/2017.
- Lei 7/1985, de 2 de abril, reguladora das bases do réxime local (LBRL).
- Real Decreto Lexislativo 781/1986, de 18 de abril, texto refundido das disposicións legais vixentes en materia de réxime local (TRRL).
- Lei 5/1997 de 22 de xullo de Administración Local de Galicia (LALGA).

Antecedentes:

- A xustificación da necesidade e idoneidade do contrato á que se refire o artigo 28 da Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (en adiante LCSP), coa resolución da concelleira delegada que inicia o expediente (artigo 116 LCSP), de data 26 de xaneiro de 2022.
- Este contrato non está incluído no Plan anual de contratación do Concello de Vigo para o exercicio 2022.

- Prego de prescricións técnicas particulares (artigo 116.3 LCSP) de data 17 de xuño de 2022.
- Memoria económica de data 17 de xuño de 2022 conformada polo concelleiro de Facenda o 29 de xuño de 2022, que recolle:
 - Xustificación do prezo do contrato, do orzamento base de licitación e do valor estimado do contrato (e o seu método de cálculo) aos que fai referencia o artigo 102 LCSP.
 - Xustificación de que o contrato non suporá desequilibrio orzamentario por atoparse contemplado o gasto no orzamento e que non afectará á sustentabilidade financeira do Concello (artigo 7.3 da Lei orgánica 2/2012, do 27 de abril).
 - Forma de aboamento do prezo (artigo 67.2ñ do RLCAP).
- Certificados de retención de crédito de data 11 de maio de 2022 (operacións nº 202200044312 e 202200044313)
- Memoria xustificativa de data 28 de xuño de 2022, relativa aos seguintes extremos:
 - Xustificación da non división do contrato en lotes (artigo 99.3 da LCSP) .
 - A xustificación do procedemento elixido (artigo 116.4 LCSP) resulta innecesaria por tratarse dun procedemento aberto. Polo valor estimado procede a súa tramitación mediante procedemento aberto simplificado de tramitación abreviada (artigo 159.6 da LCSP).
 - Xustificación do prazo de duración do contrato (artigo 29 LCSP).
 - Xustificación da elección do criterio de adxudicación e da súa adecuación ao obxecto do contrato (artigo 145.3f) LCSP).
 - Xustificación da fórmula de valoración (artigo 146.2LCSP).
 - Lugar de entrega dos bens obxecto do contrato (artigo 67,5.f e 67.7.e RLCAP).
- Informe do Servizo de Contratación de que o expediente reúne toda a documentación esixida pola lexislación vixente en materia de contratación pública asinado en data 30 de xuño do 2022.
- Prego de Cláusulas administrativas particulares asinado pola xefa do Servizo de Contratación de data 1 de xullo de 2022.

Fundamentos de dereito



Concello de Vigo

I.- O expediente de contratación, de acordo co disposto no artigo 116.1 da LCSP, iniciárase polo Órgano de Contratación motivando a necesidade do contrato nos termos previstos no artigo 28 desta lei. No concello de Vigo esta competencia esta delegada por acordo da Xunta de Goberno Local de 20 de xuño de 2019 nos concelleiros de Area. O concelleiro- delegado de Deportes mediante resolución de 26 de xaneiro de 2022 autorizou o inicio da tramitación deste expediente de contratación.

II.- Dado o obxecto o tipo de contrato é de servizo (art. 17 LCSP). O procedemento elixido para a contratación é o procedemento aberto simplificado de tramitación abreviada (art. 159.6 LCSP), o ter un valor estimado inferior a 60.000,00 euros.

III.- O expediente refírese á totalidade do obxecto do contrato e no mesmo consta, tal e como prevé o artigo 116 apartados 2 e 3 da LCSP o prego de cláusulas administrativas particulares e o prego de prescricións técnicas.

IV.- No expediente xustifícase a necesidade e idoneidade do contrato de conformidade cos artigos 28 e 116.1 da LCSP.

V.- Na memoria xustifícase a non división en lotes (artigo 116.4.g) LCSP), o prezo e a súa xustificación (artigo 100 e seguintes LCSP), o prazo de duración e de execución (art. 29 LCSP), o valor estimado do contrato (artigo 116.4.d) LCSP), os criterios de adxudicación e fórmulas de valoración (artigo 145 e 146 LCSP), as condicións especiais de execución (art. 202.1 LCSP), o principio de estabilidade orzamentaria e sustentabilidade financeira (artigo 7.3 d Lei Orgánica 2/2012, de 27 de abril).

VI.- De conformidade coa disposición adicional terceira, apartado 8 da LCSP e a disposición adicional oitava, apartado e) da Ley 7/1985, de 2 de abril, reguladora das bases de réxime local (LRBRL), requírese o informe preceptivo da Asesoría Xurídica do Concello de Vigo.

VII.- O artigo 116.3 e o apartado 3 da disposición adicional terceira da LCSP, dispoñen que ao expediente se incorporará o certificado de existencia de crédito ou documento que legalmente o substitúa. Este documento, xunto co informe de fiscalización previa, incorporárase pola Intervención Xeral ao procedemento con carácter previo á aprobación polo órgano de contratación.

VIII.- A competencia para a resolución do presente expediente correspóndelle á Xunta de Goberno Local, na súa calidade de órgano de contratación, conforme ó

previsto na Disposición adicional segunda apartado 11 da LCSP. A resolución deberá ser motivada e aprobará o expediente de contratación, dispoñendo a apertura do procedemento de adxudicación (artigo 117 LCSP) e implicará a aprobación do gasto.

IX.- A aprobación do expediente de contratación correspóndelle a Xunta de Goberno Local, na súa calidade de órgano de contratación (disposición adicional 2ª .4 LCSP)

A vista do exposto, e previo informe da Asesoría Xurídica e da Intervención Xeral do Concello de Vigo, propónse á Xunta de Goberno Local como órgano de contratación, en uso das facultades que lle confire a lexislación vixente, a adopción do seguinte acordo:

Primeiro: Aprobar o expediente de contratación a través de procedemento aberto simplificado de tramitación abreviada CONTRATACION POR PROCEDUREMTO ABERTO ABREVIADO SIMPLIFICADO DO SUBMINISTRO DE DÚAS CASSETAS EN RÉXIME DE ALUGUER PARA A SÚA COLOCACIÓN NAS INSTALACIÓNS DEPORTIVAS DO CAMPO DE FÚTBOL DO CARBALLAL E DAS PISTAS DE ATLETISMO EN BALAÍDOS.

Segundo: aprobar o Prego de Prescricións Técnicas Particulares de data 17 de xuño de 2022 e o Prego de Cláusulas Administrativas Particulares que rexerá o Contrato, asinado polo Servizo de Contratación con data 1 de xullo de 2022.

Terceiro: autorizar o gasto polo importe máximo de licitación de **4.767,40 euros con IVE, sendo o IVE de 827,40 euros**, e coa seguinte distribución por anualidades:

DISTRIBUCIÓN ORZAMENTARIA

Anualidades	Importe sen IVE	IMPORTE IVE	Importe con IVE
2022	1,641.67 €	344.75 €	1,986.42 €
2023	2,298.33 €	482.65 €	2,780.98 €
Totais	3,940.00 €	827.40 €	4,767.40 €

O contrato financiarase con cargo á aplicación orzamentaria 3420.2080000 correspondente a "outro material" do orzamento vixente da Concellería de Deportes, que conta con crédito adecuado e suficiente na bolsa de vinculación.



Concello de Vigo

Cuarto: abrir o procedemento de licitación para a selección do contratista na forma prevista na lexislación vixente.

ACORDO:

A Xunta de Goberno Local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/rs

V. e Pr.
O ALCALDE,
Abel Caballero Álvarez.